



Imlitir Bhunoideachais 0021/2010

AN ROINN OIDEACHAIS AGUS SCILEANNA RANNÓG NA SCOILEANNA

CHUIG BOIRD BAINISTÍOCHTA, PRÍOMHOIDÍ AGUS FOIREANN TEAGAISC I
mBUNSCOILEANNA

RIALÚCHÁIN MAIDIR LE CEAPADH AGUS COINNEÁIL MÚINTEOIRÍ I mBUNSCOILEANNA DON SCOILBHLIAIN 2010/2011

1. Foirniú sa scoilbhliain 2010/2011

- 1.1 Cinnfear líon na múinteoirí ranga príomhshrutha is cuí do scoil trí thagairt do rollúchán bailí na scoile ar 30 Meán Fómhair, 2009.

Nasctha ag **Aguisín A** tá sceideal den rollúchán daltaí is riachtanach i gcomhair ceaptha agus coinneála múinteoirí ranga príomhshrutha don scoilbhliain 2010/2011.

- 1.2 Ní ceart ach daltaí a rollaíodh **go bailí** ar 30 Meán Fómhair 2009 a chur san áireamh chun an líon foirne a chinneadh. I dtaca leis seo ní mór cloí le Ciorcláin na Roinne 4/02 - Determination of Valid Enrolment in Primary Schools agus 32/03 – Retention of Pupils in Primary Schools. **Ní ceart daltaí a coinníodh sa scoil ar 30 Meán Fómhair, 2009 chun cloí leis an Acht Oideachais (Leas), 2000 a áireamh mar chuid den rollúchán bailí chun an líon foirne a chinneadh.**

- 1.3 De bharr na bpost breise sa Chlár Rialtais athnuaite tá feabhas áirithe tagtha ar an sceideal foirnithe. Díríodh na feabhsúcháin seo ar scoileanna den mheánmhéid nó den mhórmhéid mar is iadsan a bhíonn faoi bhrú maidir le méid na ranganna de ghnáth.

2. Critéir do Scoileanna i mBéal Forbartha don Scoilbhliain 2010/11

- 2.1 Sainmhínítear scoil i mbéal forbartha mar scoil ina réamh-mheastar gur mó a bheidh an rollúchán ar 30 Meán Fómhair, 2010 ná an rollúchán ar 30 Meán Fómhair, 2009

- i) d'íosmhéadú uimhriúil **agus**
- ii) trí farasbarr ordaithe de 5 dhalta a bheith aici de bhreis ar an uimhir riachtanach chun críche ceapacháin.

I gcás bunscoileanna le Foirniú de Phríomhoide móide 7 Múinteoir Ranga Príomhshrutha, nó os a chionn sin, is é an t-íosmhéadú uimhriúil dá dtagraítear ag i) thuas ná 25 dhalta.

I gcás bunscoileanna le Foirniú de Phríomhoide móide 6 Múinteoir Ranga Príomhshrutha, nó níos lú ná sin, is é an t-íosmhéadú uimhriúil dá dtagraítear ag i) thuas ná 15 dhalta. Caithfidh feidhm chomh maith a bheith ag méánmhéid ranga de bhreis ar 28 ndalta i gcás scoileanna atá ag lorg poist faoin gcritéar seo (feic na heisceachtaí ag 2.2 thíos).

Ní mór do scoileanna bheith incháilithe ag an dá chritéar ag i) & ii) thuas agus i gcás scoileanna dá leithéid, is féidir post buan nó poist bhuana bhreise a fhaomhadh go sealadach go dtí go mbeidh an deimhniú faighte den rollúchán bailí ar 30 Meán Fómhair,

2010. Déanfar coigeartú ar an bhfoirniú i bhfianaise an rollúcháin bhailí iarbhair ar 30 Meán Fómhair, 2010.

2.2 Tá dhá eisceacht ann:

1) Scoileanna atá ag iarraidh go gceapfaí an dara Múinteoir Ranga Príomhshrutha.
I gcásanna dá leithéid, ní éilítear ar scoileanna atá, ar 30 Meán Fómhair, 2010, ag réamh-mheas íosmhéadaithe uimhriúil de 15 dhalta de bhreis ar an rollúchán ar 30 Meán Fómhair, 2009, an uimhir ordaithe breise de 5 dhalta de bhreis ar an uimhir cheapacháin a shásamh, ná an méanmhéid ordaithe ranga a shásamh. Ní mór an íosrollúchán réamh-mheasta de 49 ndalta a shásamh chun an dara Múinteoir Ranga Príomhshrutha a aimsiú.

2) Scoileanna atá ag iarraidh ceapachán chun níos mó ná post amháin scoile i mbéal forbartha.

I gcásanna dá leithéid, ní mór do scoileanna an riachtanas maidir le híosmhéadú uimhriúil agus an uimhir ordaithe de 5 dhalta de bhreis ar an bhfigiúr ceapacháin a shásamh i gcomhair an chéad phoist scoile i mbéal forbartha. I gcás gach aon phoist a iarrtar ina dhiaidh sin ní mór an uimhir ordaithe de 5 dhalta de bhreis ar an bhfigiúr ceapacháin a shásamh.

Ní mór iarrata(i)s ar pho(i)st bhreise faoi chritéir na scoileanna i mbéal forbartha a chur faoi bhráid Rannóg na Leithdháiltí Bunscoile tráth nach déanaí ná 7 Deireadh Fómhair, 2010.

3. Ceapadh an Chéad Mhúinteora Phríomhshrutha i scoileanna nua

Is é an rollúchán a éilítear don scoilbhliain 2010/11 chun Príomhoide agus múinteoir ranga príomhshrutha amháin a cheapadh ar scoil atá chun oscailt i Meán Fómhair, 2010 ná 20 dalta. Ní mór an rollúchán seo a bhaint amach faoi 30 Meán Fómhair, 2010.

4. Ceapadh Príomhoidí Riaracháin

4.1 Tá feidhm ag na critéir seo a leanas i leith ceapachán Phríomhoide Riaracháin sa scoilbhliain 2010/11:

a) Is é an figiúr rollaithe i gcomhair ceaptha agus coinneála Príomhoidí Riaracháin ná 178 ndalta i ngnáthscoileanna/scoileanna Gaeltachta agus 158 ndalta i nGaelscoileanna. Ar an seachtú múinteoir ranga príomhshrutha a bheith ceaptha tagann an Príomhoide chun bheith ina Phríomhoide Riaracháin agus níl aon phost breise múinteoireachta iarmhartach dlíte.

NÓ

b) Príomhoidí i ngnáthscoileanna/scoileanna Gaeltachta a bhfuil rollúchán faoi bhun 178 ndalta acu nó i nGaelscoileanna a bhfuil rollúchán faoi bhun 158 ndalta acu, ach a bhfuil foirniú de Phríomhoide móide naonúr múinteoir nó os a chionn sin acu, nuair a chuirtear na poist lasmuigh den chuóta go léir san áireamh, is féidir iad a cheapadh ina bPríomhoidí Riaracháin. I gcásanna dá leithéid, is féidir múinteoir ranga príomhshrutha buan a cheapadh chun gabháil in ionad an Phríomhoide.

NÓ

c) Áit a bhfuil foirniú de Phríomhoide móide ceathrar nó cúigear múinteoir ranga príomhshrutha ag scoil agus aonad speisialaithe uathachais aici chomh maith a bunaíodh le faomhadh ón gComhairle Náisiúnta um Oideachas Speisialta, ceapfar an Príomhoide ar bhonn riaracháin. I gcásanna dá leithéid, is féidir múinteoir ranga príomhshrutha buan a cheapadh chun gabháil in ionad an Phríomhoide. Nótáil le dthoil gurb amhlaidh, cé gurb ionann aonad speisialaithe uathachais agus 2-3 rang, gur ceadaítear tar éis don chéad dalta a bheith rollaithe an Príomhoide a cheapadh chun stádas riaracháin agus múinteoir a cheapadh chun gabháil ina (h)ionad.

4.2 Leithdháileadh Príomhoidí Riaracháin faoi DEIS

Tá scoileanna a cháiligh don Snáithe Uirbeach (Banda 1 agus 2) den Chlár Tacaíochta Scoileanna (An Clár) faoi DEIS i dteideal Príomhoidí Riaracháin a fháil ar bhonn figiúirí

rollaithe agus foirnithe níos ísle ná iad siúd a bhfuil feidhm acu i mbunscoileanna go ginearálta, faoi réir ag na téarmaí seo a leanas:

- Is é an figiúr rollaithe i gcomhair ceaptha agus coinneála Príomhoidí Riaracháin ná 145 dhaltá i mbunscoileanna Bhanda 1 agus Bhanda 2 agus 125 dhaltá i nGaelscoileanna an Chláir (Príomhoide móide 5 mhúinteoir príomhshrutha). Éascóidh sé seo leis an bPríomhoide teacht chun bheith ina P(h)ríomhoide Riaracháin. I gcásanna dá leithéid, is féidir múinteoir ranga príomhshrutha buan a cheapadh chun gabháil in ionad an Phríomhoide.

NÓ

- Príomhoidí i mbunscoileanna Bhanda 1 agus Bhanda 2 a bhfuil rollúchán faoi bhun 145 dhaltá acu nó i nGaelscoileanna an Chláir a bhfuil rollúchán faoi bhun 125 dhaltá acu, ach a bhfuil foirniú de Phríomhoide móide seachtar múinteoir nó os a chionn sin acu, nuair a chuirtear na poist lasmuigh den chuóta go léir san áireamh, is féidir iad a cheapadh ina bPríomhoidí Riaracháin. I gcásanna dá leithéid, is féidir múinteoir ranga príomhshrutha buan a cheapadh chun gabháil in ionad an Phríomhoide.

Is ceart aon fhiafraithe faoi cheapadh Phríomhoide Riaracháin faoi DEIS a chur chuig an Aonad Cuimsithe Sóisialta den Roinn ag 090 648 3773 nó 090 648 3774.

5. Ceapadh Leas-Phríomhoidí Riaracháin

Beidh feidhm ag na critéir seo a leanas i leith ceapachán Leas-Phríomhoide Riaracháin sa scoilbhliain 2010/11:

- o Is ceadaithe Leas-Phríomhoidí i scoileanna a bhfuil 24 múinteoir ranga príomhshrutha (Poist Scoile i mBéal Forbartha san áireamh) nó os a chionn sin acu a cheapadh ina Leas-Phríomhoidí Riaracháin (neamhtheagaisc). Is ceadaithe na poist seo a leanas a leithdháiltear faoi bhearta Cuimsithe Sóisialta a chuimsiú chomh maith nuair atáthar ag áireamh na 24 post is gá i gcomhair stádas Leas-Phríomhoide Riaracháin, poist Lamhálaí de bharr Míbhuntáiste, poist a bhaineann leis An Ré a Bhriseadh, agus le Cothrom na Féinne do Pháistí, agus poist faoi Bhanda 1 (Uirbeach) den Chlár. I gcásanna dá leithéid, is ceadaithe múinteoir buan ranga príomhshrutha a cheapadh chun gabháil in ionad an Leas-Phríomhoide. Sa chás go mbraitheann an ceapachán mar Leas-Phríomhoide Riaracháin ar dheimhniú a bheith faighte maidir le Post Scoile i mBéal Forbartha, is ceart an Leas-Phríomhoide Riaracháin agus an múinteoir atá ag gabháil ina (h)ionad a cheapadh ar bhonn sealadach go dtí go mbeidh an deimhniú sin faighte.

NÓ

- Is ceadaithe Leas-Phríomhoidí a cheapadh mar Leas-Phríomhoidí Riaracháin (neamhtheagaisc) i scoileanna príomhshrutha a bhfuil acu, i dteannta le gnáthmhúinteoirí ranga príomhshrutha, cúig chinn, nó os a chionn sin, de ranganna speisialta i gcomhair páistí a bhfuil riachtanais níos casta ísealmhínicíochta acu. I gcásanna dá leithéid, is ceadaithe múinteoir buan ranga príomhshrutha a cheapadh chun gabháil in ionad an Leas-Phríomhoide.

6. Scoileanna Oileáin

Sa chás go gcaillfí an dara post teagaisc sa scoil dá mbeadh laghdú ar líon na ndaltaí i scoil oileáin, is ceadaithe an dara múinteoir a choinneáil, faoi réir na gcoinníollacha seo a leanas:

- gur ionann an líon iomlán daltaí sa scoil agus 8 nó os a chionn sin agus
- gurb é an scoil sin an t-aon bhunscoil amháin atá fágtha ar an oileán.

7. Socruithe Painéil

7.1 Tá Painéil Ath-imlonnaithe ann do mhúinteoirí atá fostaithe i scoileanna atá faoina bpátrúnacht seo a leanas:

- An Eaglais Chaitliceach - tiomsaítear painéil ar bhonn deoisí. Dá réir sin, feidhmíonn gach aon deoise a painéal féin agus is iad scoileanna atá laistigh de chríoch na deoise a dhéanfaidh tairiscintí painéil do mhúinteoirí.
- Eaglais na hÉireann, An Eaglais Mheididisteach in Éirinn agus an Eaglais Phreispitéireach nó faoi chomhphátrúnacht - tiomsaítear painéil ar bhonn deoisí nó deoisí aontaithe. Dá réir sin, feidhmíonn gach aon deoise a painéal féin agus is iad scoileanna atá laistigh de chríoch na deoise nó na deoise aontaithe a dhéanfaidh tairiscintí painéil do mhúinteoirí.
- Ag Foghlaim le Chéile: feidhmíonn Educate Together (Ag Foghlaim le Chéile) painéil ilchreidmheacha ar bhonn náisiúnta.
- Reiligiúnaigh: feidhmíonn gach Ord Religiúnach painéil do mhúinteoirí atá ina mbaill d'Oird Religiúnacha.

Painéal Speisialta Náisiúnta:

Feidhmíonn an Painéal Speisialta Náisiúnta do mhúinteoirí áirithe atá ag múineadh i scoileanna speisialta, nó i ranganna speisialta, nó mar mhúinteoirí acmhainne do pháistí i mbunscoileanna a bhfuil riachtanais speisialta (sealmhnicíochta acu, agus atá i seilbh chláráithe choinníolláigh (clárú srianta) ón gComhairle Mhúinteoireachta. Feidhmíonn Rannóg na Leithdháiltí Múinteoirí sa Roinn an painéal ar bhonn náisiúnta.

- 7.2** *Nótáil led thoil gur comhaontaíodh na socruithe leasaithe do phainéil ath-implonaithe faoi phróiseas Chomhairle Chomhréitigh na Múinteoirí agus gur tugadh isteach iad don scoilbhliain 2009/10.*
Iarracht is ea na leasuithe ar fheabhas a chur ar éifeachtacht feidhmíochta na bpainéal, ar an trédhearcacht agus ar chomhroinnt na faisnéise.

Tá na nósanna imeachta leasaithe leagtha amach ar shuíomh gréasáin na Roinne maraon leis an leabhrán faoi na socruithe ath-implonaithe painéal atá ann faoi láthair Panel Rights for Teachers (leagan nuashonraithe – Bealtaine 2005) ag www.education.gov.ie. Tá na nósanna imeachta leasaithe leagtha amach de réir na caoi a n-oibríonn na Painéil Deoise Caitliceacha ach is sa chaoi chéanna a oibreoidh na painéil ath-implonaithe go léir (Painéal Eaglais na hÉireann, Ag Foghlaim le Chéile agus An Painéal Speisialta Náisiúnta).

Éilíonn na nósanna imeachta leasaithe ar scoileanna fógra a thabhairt faoi aon fholúntais do Rúnaí Oideachais na Deoise nó don Oifigeach Painéil laistigh de fhrámaí ama sonraithe. Luann na nósanna imeachta leasaithe chomh maith na hiarmhairtí a bheidh ann do scoileanna nach gcloíonn leis an riachtanas seo, i.e., go gceapfar Oifigeach Painéil – feic thíos.

- 7.3** **Deacrachtaí ag oibriú an phainéil ath-implonaithe**
I gcás go mbíonn deacrachtaí ann tá áis ann freisin faoi na nósanna imeachta leasaithe faoinar féidir leis an bPátrún nó le Rúnaí Oideachais na Deoise iarraidh ar an Roinn Oifigeach Painéil a cheapadh. Beidh cumhacht ag an Oifigeach Painéil dul i gcomhairle le haon pháirtithe a mheasann sé/sí a bheith cuí agus machnóidh sé/sí aon aighneachtaí gur mian le haon pháirtí leasmhar iad a chur faoi bhráid. Tar éis don cheist a bheith machnaithe ag an Oifigeach Painéil ullmhóidh sé/sí tuairisc air sin agus ar a c(h)uid tátal maidir le réiteach deacrachtaí. Cuirfear tuairisc, tátail agus cinneadh an Oifigigh Phainéil in iúl don Phátrún agus beidh siad ina gceangal ar gach aon pháirtí.

- 7.4** **Aicsin agus dátaí lárnacha i gcomhair feidhmithe na bpainéal ath-implonaithe**
Leagann na nósanna imeachta leasaithe amach frámaí ama comhaontaithe a bheidh ina gcabhair le feabhas a chur ar oibriú na bpainéal ath-implonaithe. Is mar seo a leanas a bheidh na haicsin agus na dátaí do sceideal foirnithe 2010/11:

Aicsean lárnach	Spriocdháta críochnaithe don aicsean
Foilsigh an sceideal foirnithe ar shuíomh gréasáin na Roinne Oideachais & Scileanna	2 Márta 2010
Ceanglas ar gach aon scoil fógra a thabhairt do Rúnaí Oideachais na Deoise aici faoi aon fholúntas atá i ngar mar thoradh ar (a) an sceideal foirnithe nó (b) fáth ar bith eile gur fios é ag an am seo ar nós scor, srl.	Seachtain dar tosach 15 Márta 2010
Cuireann an Roinn Oideachais & Scileanna liosta an phainéil ar aghaidh chuig an Pátrún nó chuig Rúnaí Oideachais na Deoise	Seachtain dar tosach 22 Márta 2010
Scaipeann an Pátrún nó Rúnaí Oideachais na Deoise: (a) liosta na múinteoirí ar an bpainéal chuig na scoileanna uile a bhfuil folúntais gur fios iad acu agus (b) liosta na scoileanna a bhfuil folúntais acu chuig na múinteoirí ar an bpainéal. Is ceadaithe do Rúnaí Oideachais na Deoise suíomh gréasáin an chomhlachta bainistíochta aici a úsáid chun folúntais nó faisnéis faoin bpainéal a chur in iúl ach ní ceadaithe ainmneacha múinteoirí ná a sonraí pearsanta a fhoilsiú. Is ceadaithe don Roinn Oideachais & Scileanna an fhaisnéis seo a fhoilsiú & a nuashonrú ar a suíomh gréasáin.	3 lá tar éis liosta an phainéil a fháil ón Roinn Oideachais & Scileanna
Fráma ama 3 seachtaine ag scoileanna a bhfuil folúntais acu chun teagmháil le múinteoirí atá ar an bpainéal, gan saoire na Cásca a chur san áireamh. Ag deireadh na tréimhse 3 seachtaine thuas, nó ag aon dáta níos déanaí ná sin, is féidir le Rúnaí Oideachais na Deoise iarraidh ar an Roinn Oifigeach Painéil a cheapadh chun déileáil le blocáil ar an bpainéal.	Aoine 23 Aibreán 2010

7.5.1 *Tugtar seoladh teagmhála an mhúinteora ar an bhfoirm phainéil. Is é seo an seoladh a úsáidfear chun dul i dteagmháil le múinteoir ar an bpainéal. Ní mór do mhúinteoir ar phainéal bheith ar fáil ag an seoladh sin go dtí go dtairgtear post dó/di agus go nglacann sé/sí leis. Sa chás nach bhfuil post faighte agus nach bhfuil an múinteoir ar fáil ag an seoladh sin bainfear ainm an mhúinteora de liosta an phainéil agus aistarraingfear an tuarastal, más infheidhme sin, le héifeacht ó thosach na scoilbhliana 2010/11.*

7.5.2 *Ní mór do Bhord Bainistíochta fógra a thabhairt don oibritheoir cuí painéil, (i.e., Oifig Dheoise/Ag Foghlaim le Chéile/Ord Reiligiúnach) agus Rannóg Leithdháiltí na Múinteoirí sa Roinn a luaithis a bhíonn post glactha ina scoilse ag múinteoir de chuid an phainéil. Má mhainnítear fógra a thabhairt don oibritheoir painéil beidh sé sin ina bhac le hoibriú éifeachtach an chórais phainéil agus ina chúis le deacrachtaí nach gá do Bhoird Bainistíochta eile. Má mhainnítear fógra a thabhairt don Rannóg Leithdháiltí féadfaidh sé sin bheith ina chúis le deacrachtaí don mhúinteoir maidir le próiseasú na híocaíochta tuarastail.*

7.5.3 Ní ceadaithe do Bhoird Bainistíochta nach bhfuil in ann folúntais a líonadh ón bpainéal dul ar aghaidh agus folúntais a líonadh trí chomórtas oscailte ach le faomhadh ón Roinn.

8. Scoileanna a bhfuil folúntais acu

8.1 Tá ceanglas sa chead ásc ar Bhord Bainistíochta atá ag iarraidh folúntas buan a líonadh don scoilbhliain 2010/11 faoi théarmaí Ailt 6 de Chiorclán 0082/2007 machnamh ar a chuid ceanglas i leith aon mhúinteora le téarma seasta sa scoil a cháilíonn do chonradh le tréimhse éiginnte. Mura cháilíonn múinteoir ar bith do chonradh le tréimhse éiginnte tá ceanglas ar an mBord an post a thairiscint do mhúinteoir ar an bpainéal.

- 8.2** Is ceart do Bhoird Bainistíochta a bhfuil folúntais le líonadh acu agus do mhúinteoirí a bhfuil a n-ainmneacha curtha ar phainéil i gcomhair ath-implonaithe "Revised Procedures for Operation of Redeployment Panels" (Eanáir, 2009) agus an leabhrán "Panel Rights for Teachers" (leagan nuashonraithe Bealtaine 2005) a léamh go cúramach. Tá sonraí faoi gcaoi inar cead múinteoirí a cheapadh as na painéil le fáil chomh maith sa leabhrán "Appointment of Principals, Permanent and Temporary Teachers" (Aibreán, 2002). Tá an dá leabhrán agus na nósanna imeachta leasaithe le fáil ar shuíomh gréasáin na Roinne www.education.ie faoi Foireann Scoile/Bunoideachas/Ceapachán Ath-implonú.

Taobh amuigh de cheanglais i leith conarthaí le tréimhse éiginnte, níl aon tosca ann inar cead do Bhord Bainistíochta folúntas buan a líonadh a thagann chun cinn i Meán Fómhair, 2010, áit a bhfuil múinteoirí fágtha i gcomhair ath-implonaithe ar an bpainéal ábhartha, seachas tríd an bpainéal. Ní cead, ach go háirithe, do Bhord Bainistíochta folúntas buan a líonadh trí mhúinteoir a cheapadh faoi chonradh sealadach nó faoi chonradh le téarma seasta i Meán Fómhair, 2010 áit a bhfuil múinteoirí fágtha i gcomhair ath-implonaithe ar an bpainéal ábhartha.

8.3 Ní bheidh cead ag Boird Bainistíochta poist bhuana a fhógairt don scoilbhliain reatha, 2009/10, i ndiaidh 1 Bealtaine, 2010.

Má thagann folúntas chun cinn i ndiaidh an dáta sin agus gan aon cheanglas i leith conartha le tréimhse éiginnte do bheith ar an mBord is ceart é a líonadh i gcáilíocht shealadach nó seasta go dtí deireadh na scoilbhliana agus is ceart an post buan a líonadh don scoilbhliain 2010/11 ar an mbonn atá leagtha amach in alt 8.1 thuas.

9. Fostú Múinteoirí Cáilithe

Tá ceanglas ar Bhoird Bainistíochta múinteoirí bunscoile láncháilithe a earcú agus a fhostú le haghaidh aon fholúntais sa scoil, ar neamhaird le fad an fholúntais. Is ceart a nótáil nach bhfuil múinteoir cáilithe iarbunscoile láncháilithe le haghaidh ceapacháin mar mhúinteoir bunscoile.

Sa chás nach gcuireann aon mhúinteoir cuí-cháilithe isteach ar phost ní mór don Bhord a chur in iúl don Roinn cé na hiarrachtaí a rinneadh múinteoir cáilithe a aimsiú agus na tosca as a dtáinig go mba ghá duine a cheapadh nach raibh ina m(h)úinteoir cáilithe bunscoile go dtí go gceapfaí múinteoir cáilithe bunscoile.

Ní mór cloí i gcónaí leis na nósanna imeachta i gcomhair cheapadh múinteoirí mar atá siad leagtha amach in Aguisín D de Bhunreacht na mBord & Nósanna Imeachta do Bhoird Bainistíochta Scoileanna Náisiúnta, Samhain, 2007 agus leo siúd i gcioclán 62/2008, Fógraíocht Ríomhfhóirme Post Múinteoireachta.

10. An Bord Achomhairc um Fhoirniú Príomhshrutha

- 10.1** Athbhreithneoidh an Bord Achomhairc, a oibríonn gan spleáchas don Aire ná don Roinn, achomhairc i dtaobh an leithdháilte múinteoirí príomhshrutha ar scoileanna don scoilbhliain 2010/11.

- 10.2** Tá sé beartaithe an chéad chruinniú den Bhord Achomhairc um Fhoirniú Príomhshrutha a thionól i mBealtaine, 2010 chun plé le hachomhairc don scoilbhliain 2010/11. Tionólfar cruinnithe eile i Meitheamh agus i nDeireadh Fómhair, 2010.

Is iad na spriocdhátaí chun achomhairc maidir le foirniú a fháil ná 23 Aibreán 2010, 11 Meitheamh 2010, agus 15 Deireadh Fómhair, 2010. Postálfar na spriocdhátaí seo ar shuíomh gréasáin na Roinne freisin. **Nótáil le dhoil go gclóifear go docht leis na spriocdhátaí agus, dá réir sin, ní mhachnóidh an Bord ag an seisiún sin achomhairc a fhaighfear tar éis spriocdháta ar leith.**

Ní mór achomhairc a chur faoi bhráid Rannóg na Leithdháilte Bunscoile, Rannán na Scoileanna, An Roinn Oideachais agus Scileanna, Baile Átha Luain, ar an bhfoirm chaighdeánach iarratais, agus a rá go soiléir cén critéar a bhfuiltear ag déanamh an achomhairc faoi. Marcáil "Achomhairc Foirnithe" ar an gclúdach litreach le dhoil.

Tá an fhoirm chaighdeánach iarratais le fáil ar shuíomh gréasáin na Roinne ag www.education.ie faoi Foireann Scoile /Bunoideachas/Ciorcláin agus Leabhráin Eolais.

- 10.3** Féadfaidh an Bord Achomhairc a chinneadh gur gá imeacht ón sceideal foirnithe insna tosca atá leagtha amach ag (a) go (c) thíos

- (a) Áit a bhfuil imeacht ón sceideal foirnithe údaraithe chun deacrachtaí as cuimse cóiríochta a fhaoiseamh ar nós scoileanna a bheith ag oibriú ar láithreán scoilte ar feadh tréimhse i ndiaidh cónasctha nó roimh d'fhoirgneamh buan a bheith soláthraithe.
- (b) Áit is deimhin leis an mBord Achomhairc, ar bhonn fhianaise infhíoraithe, go raibh an líon riachtanach daltaí rollaithe i Meán Fómhair * nó i nDeireadh Fómhair 2009, ach nach raibh siad rollaithe ar 30ú Meán Fómhair de bharr tosa nach raibh neart ag an scoil orthu. Chun críocha foirnithe, áfach, ní féidir dalta a áireamh ach i rollúchán aon scoile amháin i scoilbhliain ar bith. **
- (c) Áit is deimhin leis an mBord Achomhairc gurb amhlaidh, i dtaca le deonadh poist faoi chritéar na scoileanna i mbéal forbartha, gur rollaíodh an líon réamh-mheasta daltaí is gá chun an post a choinneáil, no gur dócha go rollófar iad, faoi Nollaig, 2010, ach, de bharr tosa nach raibh neart ag an scoil orthu, nach raibh siad rollaithe mar a bhíodhas ag súil leis, ar 30ú Meán Fómhair, 2010. Faomhfar ar bhonn sealadach post a leithdháil an Bord Achomhairc faoin gcritéar seo ar choinníoll go bhfaighfear deimhniú go bhfuil an rollúchán riachtanach bainte amach roimh 31 Nollaig, 2010. Mar an gcéanna le (b) thuas, chun críocha foirnithe, ní féidir dalta a áireamh ach i rollúchán aon scoile amháin i scoilbhliain ar bith. **

* Ní bheidh dalta a fhágann an scoil roimh 30ú Meán Fómhair, agus nach dtagann ar ais chun na scoile sa scoilbhliain, intofa chun cur san áireamh faoin gcritéar seo.

** Sa chás go mbíonn an scoil ina raibh an dalta rollaithe ar 30ú Meán Fómhair in ann a fhíorú nár ghá an dalta a áireamh chun ceapacháin nó coinneála múinteora sa scoil sin, machnóidh an Bord Achomhairc an dalta a chur san áireamh chun críocha foirnithe mar chuid den rollúchán sa scoil a d'aistrigh sé/sí chuici.

An Béarla mar Theanga Bhreise

Déanann an Próiseas Achomharc Foirnithe foráil freisin do mheicníocht chun riachtanais daltaí atá ag foghlaim an Bhéarla mar Theanga Bhreise a fhreastal.

Féadann bunscoileanna a bhfuil 25% ar a laghad dá rollúchán iomlán comhdhéanta de dhaltáí a theastaíonn tacaíocht do Bhéarla mar Theanga Bhreise uathu (daltáí a bhfuil níos lú ná inniúlacht B1 (Leibhéal 3) acu) achomharc a thaisceadh chuig Bord na nAchomharc um Fhoirniú Bunscoile i gcomhair athbhreithnithe ar a leithdháileadh beartaithe do 2009/10 faoi na rialacha do thacaíocht do Bhéarla mar Theanga Bhreise de réir mar atá siad leagtha amach i gCiorclán 0015/2009.

Is é an critéar a bhaineann

- Áit is deimhin leis an mBord Achomhairc, tar éis dó na tosa a luaigh an scoil a mhachnamh agus ag tabhairt aird ar an líon mór daltaí a theastaíonn tacaíocht do Bhéarla mar Theanga Bhreise uathu, gur féidir po(i)st bhreise a fhaomhadh chun riachtanais na ndaltaí sin a fhreastal.

10.3 Gan chead ag Bord Bainistíochta achomharc a dhéanamh ach uair amháin i gcás ar leith

Measfar gur breithniúnas deiridh breithniúnas an Bhord Achomhairc maidir leis an bpost/na poist agus ní mhachnófar aon achomharc eile i leith na scoilbhliana 2010/2011.

11. Méid na ranganna

Tá an sceideal foirnithe struchtúrtha sa chaoi go leithdháilfear, ar an meán, múinteoir ranga príomhshrutha amháin ar scoileanna in aghaidh gach 28 ndalta. Ciallaíonn na feabhsúcháin ar an sceideal foirnithe a tháinig as na poist bhreise i gClár Athnuaite an Rialtais go leithdháiltear múinteoir ranga príomhshrutha amháin ar an meán in aghaidh gach 27 ndalta i scoileanna den mheánmhéid nó den mhórmhéid mar is iad na scoileanna seo go tipiciúil is mó a bhíonn faoi bhrú maidir le méid na ranganna.

Tá poist a leithdháiltear ar bhonn an sceideal foirnithe ceaptha i gcomhair ranganna príomhshrutha go sainiúil agus is ceart iad a úsáid dá réir sin. Iarrtar ar údarais scoile a

chinntiú go gcoinnítear an líon daltaí in aon rang chomh íseal agus is féidir, ag cur san áireamh gach fachtóir ábhartha sa chomhthéacs, (e.g. cóiríocht rangsheomraí, rollúchán malartach srl.). Is ceart, ach go háirithe, d'údaráis scoile a chinntiú sa mhéid gur féidir é go mbíonn dáileadh cothromasach daltaí i ranganna príomhshrutha agus go gcoinnítear an difríocht idir na ranganna is mó agus na ranganna is lú chomh beag agus is féidir.

Déanfaidh Cigireacht na Roinne monatóireacht ar imlonnú foirne agus méid na ranganna agus, áit is gá, pléfidh sí leis na húdaráis scoile an bonn ar a ndearnadh cinntí polasaí scoile ina leith seo, agus tuairisceoidh sí chuig an Roinn, áit is cuí.

12. Poist Freagrachta

Tá Sceideal na bPost Freagrachta nasctha ag **Aguisín B** mar eolas do scoileanna.

Is féidir poist mar Phríomhoide agus Leas-Phríomhoide i scoileanna a líonadh sa ghnáthbhealach i gcónaí.

Ciallaíonn cinneadh an Rialtais faoin mhoratóir ar arduithe céime sa tSeirbhís Phoiblí gurb amhlaidh le héifeacht ó 27 Márta 2009 nach ceadaíte do scoileanna ceapachán ar bith chun post freagrachta seachas iad seo a dhéanamh feasta.

Déanann cinneadh an Rialtais foráil d'eisceacht don riail thuas i leith líonadh an chéad leithdháilte post freagrachta i scoileanna nua. Beidh an Roinn i dteagmháil go díreach le scoileanna nua maidir lena dteidlíocht chun a gcéad leithdháileadh post freagrachta a líonadh.

Tá ciorclán na Roinne agus treoraíocht faoin mhoratóir le fáil ag www.education.ie.

Is féidir freisin an Ciorclán a rochtain ar shuíomh gréasáin na Roinne Oideachais & Scileanna ag www.education.ie faoi Foireann Scoile/ Bunoideachas/Ciorcláin agus Leabhráin Eolais/Sceideal Foirnithe/Leithdháileadh Post Múinteoireachta Príomhshrutha.

Nótáil led thoil gur féidir fiafraithe [maidir le leithdháiltí post múinteoireachta agus painéal ath-imlonnaithe](#) a sheoladh tríd an ríomhphost chuig <mailto:PrimaryAllocations@education.gov.ie>

Hubert Loftus
Príomhoifigeach.

Márta, 2010

Aguisín A

An Sceideal Rollúchán Daltaí a Rialaíonn Ceapachán agus Coinneáil Múinteoirí Ranga Príomhshrutha i Scoileanna Náisiúnta don scoilbhliain 2010/2011

(Is iad na figiúirí a theastaíonn chun na críche seo ná na rollúcháin ar 30^ú Meán Fómhair 2009)

SCEIDEAL FOIRNITHE 2010-2011						
MRPanna* de bhreis ar an bPríomhoide	Gnáthscoileanna		Scoileanna Gaeltachta		Gaelscoileanna	
	Ceapachán	Coinneáil	Ceapachán	Coinneáil	Ceapachán	Coinneáil
1	12	12	12	12	12	12
2	49	49	49	49	49	49
3	81	81	81	76	77	76
4	115	115	115	96	98	96
5	145	145	145	122	125	122
6	173	173	173	153	153	153
7	178	178	178	158	158	158
8	205	205	205	193	193	193
9	232	232	232	229	229	229
10	259	259	259	257	259	257
11	286	286	286	286	286	286
12	313	313	313	313	313	313
13	340	340	340	340	340	340
14	367	367	367	367	367	367
15	394	394	394	394	394	394
16	421	421	421	421	421	421
17	459	459	459	459	459	459
18	487	487	487	487	487	487
19	515	515	515	515	515	515
20	543	543	543	543	543	543
21	571	571	571	571	571	571
22	599	599	599	599	599	599
23	627	627	627	627	627	627
24	655	655	655	655	655	655
25	683	683	683	683	683	683
26	711	711	711	711	711	711
27	739	739	739	739	739	739
28	767	767	767	767	767	767
29	795	795	795	795	795	795
30	823	823	823	823	823	823
31	851	851	851	851	851	851
32	879	879	879	879	879	879
33	907	907	907	907	907	907
34	935	935	935	935	935	935
35	963	963	963	963	963	963
36	991	991	991	991	991	991
37	1019	1019	1019	1019	1019	1019
38	1047	1047	1047	1047	1047	1047
39	1075	1075	1075	1075	1075	1075
40**	1103	1103	1103	1103	1103	1103

* Ciallaíonn MRP múinteoir ranga príomhshrutha

** I gcomhair an 41^ú MRP agus níos aoirde ná sin, cuir san áireamh 28 ndalta eile atá rollaithe go bailí

AGUISÍN B

Sceideal do Phoist Freagrachta Bunscoile

Líon Post Údaraithe (Príomhoide san áireamh)	Príomhoide	Leas- Phríomhoide	Poist Phríomhoide Chúnta	Poist Dualgas Speisialta
1	1	0	0	0
2	1	0	0	1
3	1	1	0	0
4	1	1	0	1
5	1	1	0	1
6	1	1	0	1
7	1	1	0	2
8	1	1	0	2
9	1	1	0	3
10	1	1	0	3
11	1	1	0	3
12	1	1	0	4
13	1	1	0	4
14	1	1	1	4
15	1	1	1	4
16	1	1	1	5
17	1	1	1	5
18	1	1	1	6
19	1	1	1	6
20	1	1	2	6
21	1	1	2	6
22	1	1	2	7
23	1	1	2	7
24	1	1	3	7
25	1	1	3	7
26	1	1	3	8
27	1	1	3	8
28	1	1	3	9
29	1	1	3	9
30	1	1	3	10
31	1	1	3	10
32	1	1	4	10
33	1	1	4	10
34	1	1	4	11
35	1	1	4	11
36	1	1	5	11
37	1	1	5	11
38	1	1	5	12
39	1	1	5	12
40	1	1	6	12
41	1	1	6	12
42	1	1	6	13
43	1	1	6	13
44	1	1	7	13
45	1	1	7	13
46	1	1	7	14
47	1	1	7	14
48	1	1	8	14
49	1	1	8	14
50	1	1	8	15
51	1	1	8	15
52	1	1	9	15
53	1	1	9	15
54	1	1	9	16
55	1	1	9	16
56	1	1	10	16
57	1	1	10	16
58	1	1	10	17
59	1	1	10	17
60	1	1	11	17
61	1	1	11	17